

杜工部集

杜工部詩史舊集序

王洙原序

叙曰杜甫字子美襄陽人徙河南鞏縣曾祖
依藝輩令祖審言膳部員外郎父閑奉天令
甫少不羈天寶中獻三賦召試文章授河西
尉辭不行改右衛率府胄曹天寶末以家避
亂鄜獨轉陷賊中至德二載竄歸鳳翔謁肅
宗授左拾遺詔許至鄜迎家明年收京扈從
還長安房琯罷相甫上疏論琯有才不宜廢

免肅宗怒貶瑄邠州刺史出甫爲華州司功
屬關輔饑亂棄官之秦州又居成都同谷自
負薪採枲鋪糒不給遂入蜀卜居成都浣花
里復適東川久之召補京兆府功曹以道阻
不赴欲如荆楚上元二年聞嚴武鎮成都自
閬挈家往焉武歸朝廷甫浮遊左蜀諸郡往
來非一武再鎮兩川奏爲節度叅謀檢校工
部員外郎賜緋永泰元年夏武卒郭英乂代

武崔旰殺英又楊子琳栢貞節舉兵致旰蜀
大亂甫逃至梓州亂定歸成都無所依乃泛
江遊嘉戎次雲安移夔州大曆三年春下峽
至荆南又次公安入湖南泝沔湘流遊衡山
寓居耒陽嘗至嶽廟阻暴水旬日不得食耒
陽轟令知之自具舟迎還五年夏一夕醉飽
卒年五十九觀甫詩與唐實錄猶槩見事迹
比新書列傳彼爲踳駁

傳云召試京兆兵曹
而集有官定後戲贈

詩注云初受河西尉辭政右衛率府曹曹傳
 云遁赴河西謁肅宗於彭原而集有喜達行
 在詩註云自京竄至鳳翔傳云嚴武卒乃遊
 東蜀依高適既至而適卒按適自東川入朝
 拜散騎常侍乃卒又集有忠州聞高常待亡
 詩傳云扁舟下峽未維舟而江陵亂乃遊襄
 衡而集有居江陵及公安詩至多傳云甫永
 泰二年卒而集有大曆五年正月追酬高蜀
 州寄詩及別題大曆年者數篇須溪先生云
 甫詩取可考而舊史疏畧至此他不可考奈
 何甫集初六十卷今秘府舊藏通人家所有
 稱大小集者皆云逸之餘人自編撫非當時
 第叙矣蒐裒中外書凡九十九卷

古本二卷
 蜀本二十

原书缺页

原书缺页

詩其完見於今者自予得之世之學者至乎
甫而後爲詩不能至要之不知詩焉爾嗚呼
詩其難惟有甫哉自洗兵馬下序而次之以
示知甫者且用自發焉皇祐壬辰五月日臨
川王安石序

成都草堂詩碑序

胡宗愈

序曰草堂先生謂子美也草堂子美之故居
因其所居而號之曰草堂先生先生自同谷

入蜀遂卜成都浣花江上萬里橋之西爲草
堂以居焉唐之史記前後抵梧先生至成都
之年月不可考其後先生寄題草堂云經營
上元始斷手寶應年然則先生之來成都殆
上元之初乎嚴武入朝先生送武至巴西遂
如梓州蜀亂乃之閬州將遊荆楚會武再鎮
兩川先生乃自閬州挈妻子歸草堂武辟先
生爲叅謀武卒蜀又亂先生去之東川移居

夔州遂下荆渚泝沅湘上衡山卒於耒陽先生以詩鳴於唐凡出處去就動息勞佚悲懽憂樂忠憤感激好賢惡惡一見於詩讀之可以知其世學士大夫謂之詩史其所遊歷好事者隨處刻其詩於石及至成都則闕然先生之故居松竹荒涼略不可記今丞相呂公鎮成都復作草堂於先生之舊址繪先生之像於其上宗愈假符於此乃錄先生之詩刻

石置於草堂之壁間先生雖去此而其詩之意有在於是者亦附其後庶幾好事者於以考先生去來之迹云元祐庚午資政殿學士中大夫知成都軍府事胡宗愈序

杜工部草堂詩箋跋

蔡夢弼

少陵先生博極羣書馳騁今古周行萬里觀覽謳謠發爲歌詩奮乎國風雅頌不作之後比興相侔哀樂交貫揄揚叙述妙達乎真機

美刺箴規該具乎衆體自唐迄今餘五百年
爲詩學之宗師家傳而人誦之故元微之誌
其墓曰詩人以來未有如子美者信斯言矣
况我國家祖宗肇造以來設科取士詞賦之
餘繼之以詩詩之命題主司多取是詩惜乎
世本訛舛訓釋紕繆有識恨焉夢弼因博求
唐宋諸本杜詩十門聚而閱之重復叅校仍
用嘉興魯氏編次先生作詩歲月之先後以

爲定本每於逐句本文之下先正其字之異
同次審其音之反切方作詩之義以釋之復
引經子史傳記以證其用事之所從出離爲
若干卷目曰草堂詩箋凡校讎之例題曰樊
者唐潤州外史樊冕小集本也題曰晉者晉
開運二年官書本也曰歐者歐陽永叔本也
曰宋者宋子京本也王者乃介甫也蘇者乃
子瞻也陳者乃無已也黃者乃魯直也刊云

一作某字者係王原叔張文潛蔡君謨晁以道及唐之顧陶本也又如宋次道崔德符鮑欽止暨太原王禹玉王深父薛夢符薛蒼舒蔡天啓蔡致遠蔡伯世皆爲義說其次如徐居仁謝任伯呂祖謙高元之暨天水趙子櫟趙次翁杜脩可杜立之師古師民瞻亦爲訓解復叅以蜀石碑諸儒之定本各因其實以條紀之至於舊德碩儒間有一二說者亦兩

存之以俟博識之決擇是集之行俾得之者
手披目覽口誦心惟不勞思索而昭然義見
更無纖毫凝滯如親聆少陵之警歎而熟覩
其眉宇豈不快哉大宋嘉泰天開甲子正月
穀旦建安二峯東塾蔡夢弼傳卿謹識

集千家註杜工部詩集目錄

卷之一

遊龍門奉先寺

贈李白

望嶽

石門宴集

尋范十隱居

題張氏隱居二首

贈李白

登兗州城樓

對雨書懷

已上人茅齋

房兵曹胡馬

畫鷹

寄臨邑舍弟

冬日懷李白

龍門

假山植慈竹

春日憶李白

李監宅二首

與許主簿遊南池

過宋貞外舊莊

夜宴左氏莊

鄭駙馬宅宴洞中

重題鄭氏東亭

陪李北海宴歷下

亭

登歷下貞外新亭

嶧山湖亭懷李貞外

Handwritten notes on the left margin, including characters like '嶧山' and '湖亭'.

行次昭陵

飲中八僊歌

贈汝陽王

贈蕭郎中

今夕行

寄河南韋尹丈人

贈韋左丞丈濟

贈韋左丞丈

高都護駟馬行

謁玄元皇帝廟

贈衛八處士

贈張學士

重經昭陵

故武衛將軍挽詞

三首

兵車行

送人還山

送人還山

送人還山 送人還山 送人還山

遣使

遣使 遣使 遣使

除架

除架 除架 除架

寄贊上人

寄贊上人 寄贊上人 寄贊上人

空囊

空囊 空囊 空囊

送人從軍

送人從軍 送人從軍 送人從軍

送遠

送遠 送遠 送遠

吳侍御江上宅

吳侍御江上宅 吳侍御江上宅 吳侍御江上宅

送人還山 送人還山 送人還山

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

原书缺页

南鄰

村夜

簡高使君

寄楊譚

西郊

和裴迪

覓桃栽

覓檜木栽

覓松栽

於韋少府乞瓷盃

早起

琴臺

漫成二首

客至

江畔尋花七首

春水生二首

春夜喜雨

遣意二首

春水

江亭

徐步

寒食

石鏡

少年行二首

花卿歌

高榭

惡樹

戲爲六絕

卷之八

寄杜位

送裴王

送韓十四

送劉主簿弟

和裴廸登新津寺

簡王明府

重簡王明府

寄高適

聞斛斯六官未歸

徐卿二子歌

贈花卿

百憂集行

石犀行

江漲

朝雨

晚晴

病栢

病橘

枯櫟

枯栴

所思

進艇

草堂卽事

徐少尹見過

寄范貞外吳侍郎

請王侍御邀高使

君

王携酒同高見過

寄別馬巴州

觀造竹橋

觀橋成呈李司馬

高使君成都回

詣徐卿覓果子栽

奉待嚴大夫

江頭五詠

野望

三絕句

畏人

可惜

落日

獨酌

寄楊長史

寄張判官

送段功曹

魏侍御就弊廬別

從韋明府覓竹栽

贈別何邕

贈鄭鍊

重贈

嚴中丞見過

酌嚴公

遭田父泥飲

野人送朱櫻

寄嚴公

舟前小鵝

官池春鴈二首

和嚴中丞

短歌行

入奏行

荅嚴公見憶

詰王錄事

謝嚴中丞送酒

江上值水

戲贈二友二首

水檻遣心二首

屏跡二首

絕句四首

大麥行

嚴公枉駕草堂

卽事

少年行

詠蜀道畫圖

大雨

溪漲

寄高適

送嚴公入朝

送嚴侍郎

重寄嚴公

送李使君

苦戰行

去秋行

觀打魚歌

又觀打魚

卷之九

越王樓歌

海棕行

畫角鷹歌

宗武生日

光祿坂行

悲秋

客夜

客亭

寄漢中王三首

贈韋贇善別

九日登梓州城

九日寄嚴武

題玄武師屋壁

翫月呈漢中王

相從行

嚴氏溪放歌

述古三首

秋盡

野望

陳拾遺學堂

故宅

贈李四丈

謁文公上方

早發射洪縣

通泉驛

過郭代公故宅

薛稷書畫壁

薛稷畫鶴

陪王侍御宴

登東山

建都

遠遊

聞官軍收河南北

梓州登樓二首

花底

柳邊

題郝使君兄

送人赴成都

郭明甫茅屋

送崔都水翁

陪四使君登寺

送韋班

香積寺

送竇九

送路侍御

泛江送客

上牛頭寺

望牛頭寺

上堯率寺

望堯率寺

送魏倉曹

登牛頭山亭

送何侍御

陪李梓州泛江

二首

送王少尹

送韋司直

絕句

短歌行

送辛寅外

又送

江漲呈竇使君

又呈竇使君二首

行次鹽亭縣

倚杖

泛房公西池

得房公池鵝

荅楊梓州

甘園

題江外草堂

宴南樓

臺上

送王判官

餞崔都督

隨章留後送諸君

餞竇少尹

章梓州水亭

寄漢中王二首

樓拂子

送元二

送路使君

簡梓州幕府

客舊館

卷之十

九日

薄暮

薄遊

酌十一舅

送二十四舅

送十一舅

南池

放船

與嚴二別

贈裴南部

對雨

警急

王命

征失

漁陽

西山三首

遣憂

巴山

早花

城上

送李卿曄

發閬中

歲暮

舍弟占歸草堂

桃花杖引

東狩行

山寺

留別章使君

收京

贈別賀蘭鈜

有感五首

寄賀蘭鈜

愁至

避地

閬山歌

閬水歌

送班司馬

送司馬入京

泛江

送辛別駕

陪二使君泛江

首二

傷春五首

釋悶

餞蕭遂州

滕王閣

玉臺觀

滕王亭

玉臺觀

渡江

暮寒

憶昔二首

寄章侍御

逃難

寄別李劍州

遊子

雙燕

原书缺页

原书缺页

寄沈八劉叟

立秋日雨

和嚴鄭公

晚晴

到村

村雨

倦夜

遣悶

宿府

樹間

送弟穎三首

嚴鄭公塔下松

竹

岷山施江圖

摩訶池泛舟

北池臨眺

初冬

張舍人遺褥段

至後

山水圖三首

哭鄭司元蘇少監

去矣行

卷之十二

正月歸溪上

營屋

寄高常侍

春日江村五首

春遠

四安寺

絕句三首

屏跡

原书缺页

原书缺页

原书缺页

原书缺页

原书缺页

原书缺页

引水

園人送瓜

信行遠脩水筒

催宗文樹雞柵

示獠奴阿段

貽柳少府

峽中覽物

憶鄭南珣

寄李文疑二首

雷

火

熱三首

終明府水樓二首

呈元曹長

牽牛織女

毒熱

雨三首

種蒿苴

晚晴

宿江閣

白鹽山

灑瀕堆

瞿塘懷古

黃草

柏中丞宴將士二首

奉漢中王手札

覽鏡

聽楊氏歌

夔府懷古

存歿口號二首

送十五弟侍御

送李功曹

別崔湜

贈四舅

簡蘇僎

贈蘇僎

別蘇僎

卷之十五

壯遊

白帝

雨

雨晴

垂白

洞房

宿昔

能畫

鬪雞

歷歷

洛陽

驪山

提封

偶題

吾宗

寄弟豐二首

送田將軍

解悶十二首

哭王掄

覆舟二首

峽口二首

秋風二首

西閣二首

社日二首

江月

吹笛

孤鴈

遣愁

夔府書懷

十六夜翫月

贈李十五丈別

送覃判官

江上

寄崔評事

西閣雨望

吳郎見過

九日諸人集于林

夜

題鄭監湖亭三首

秋興八首

寄柏學士

詠懷古跡五首

張旭草書圖

畫鷹

送楊監赴蜀

卷之十六

孟冬

悶

雷

朝二首

南極

晚

西閣夜

月圓

中宵

不寐

鷗

猿

黃魚

白小

麕

鸚鵡

雞

昔遊

寄杜位

送鮮于萬州

西閣期嚴明府

西閣曝日

小至

縛雞行

玉腕驪

黑白鷹二首

送柏別駕

閣夜

灤西寒望

送十七舅

送三判官

不離西閣二首

謁真諦寺禪師

赤甲

入宅

江雨懷鄭典謨

雨不絕

崔評事許迎不到

晝夢

熟食日示兩兒

又示

晴二首

雨

卜居

題灤西賃屋五首

諸節度入朝十二

首

得弟觀書

喜觀卽到二首

寄薛郎中

卽事

懷灞上遊

月

晚登灤上堂

李潮八分小篆歌

醉爲馬墜

卷之十七

豎子至

槐葉冷淘

園

歸

上後園山脚

諸葛廟

弟觀歸藍田二首

張望補稻畦水歸

返照

灑澗

送弟韶

夔州十絕

請卿翁修武侯廟

又上後園山脚

原书缺页

原书缺页

中夜

復愁十二首

搖落

九日五首

季秋江村

江樓宴三首

暮歸

送孟倉曹

覓舊莊

耳聾

小園

夜

酌薛十二丈

送李祕書

贈李祕書

送韋中丞

聞惠子過東溪

太覺高僧蘭若

卷之十八

移居東屯四首

簡吳司法

又呈

柏太兄弟山居二

首

潭山人隱居

柏學士茅屋

東屯月夜

東屯北崦

夜三首

收稻二首

秋野五首

傷秋

雨

秋清

瞿唐兩崖

暝

雲

晨雨

天池

卽事

獨坐二首

雨四首

返照

向夕

九月三十日

十月一日

俳諧體遣悶二首

復至東屯三首

往白帝還東屯

刈稻了

柳司馬至

自平

期王將軍

虎牙行

寫懷二首

舞劒器行

有歎

園樹

白鳧行

冬至

寄弟觀三首

別李義

送高司直

錦樹行

白帝城樓

呈元曹長

西閣口號

寄從孫崇簡

送卿翁還江陵

白帝樓

夜歸

夜聞簾策

前苦寒行一首

晚晴

復陰

後苦寒行三首

元日示宗武

又示

懷弟穎觀等

太歲日

聞賊退口號五首

得觀書

人日二首

江梅

庭草

贈南卿兄果園

送大理封主簿

白帝城放船

汾州唐使君宴別

田侍御津亭宴

寄唐使君

松滋江亭

行次古城

入行軍六弟宅

上巳日宴集

原书缺页

原书缺页

重題

獨坐

哭李常侍二首

宴王使君宅二首

久客

卷之十九

寄鄭少尹

移居公安

簡顏少府

醉歌行

贈衛太郎

送韋少府

贈虞司馬

公安懷古

呀鵲行

送李晉肅

北風

憶昔行

送顧八分

別公安大易沙門

曉發公安

歲晏行

發劉郎浦

別董頰

幽人

岳陽城下

纜船苦風

登岳陽樓

送魏少府

送長孫漸

登岳陽樓

送王砵

入洞庭湖

宿青草湖

白沙驛

上水遣懷

湘夫人祠

祠南夕望

遣遇

解憂

鑿石浦

早行

過津口

次空靈岸

花石戍

早發

次晚洲

登白馬潭

歸鴈

野望

入喬口

銅官渚

北風

詠懷二首

望嶽

清明二首

客從

發潭州

雙楓浦

酌郭判官

送李大夫

回棹

餞裴端公

送王信州

哭韋大夫

江閣卧病

送韋貞外

酌韋韶州

樓上

卷之二十

千秋節

蘇侍御訪江浦

可歎

贈盧參謀

送劉僕射

送劉十弟判官

登舟適漢陽

送敬使君

寄蘇侍御

贈李判官

送殷參軍

別張建封

送盧侍御

舟中伏枕

夜雪懷盧侍御

對雪

送蘇溪

酌高蜀州

贈蕭使君

送二十三舅

送魏司直

送趙明府

貽李真外子隸

歸鴈二首

燕子來舟中

小寒食

清明

贈韋贇善

看舟前落花

岳麓道林

酌寇侍御

白馬

入衡州

呈陽中丞

懷裴端公

文宣王廟

朱鳳行

呈聶耒陽

送李銜

留別湖南親友

過洞庭湖

集千家註杜工部詩集目錄

畢

集千家註杜工部詩集卷之一

大明嘉靖丙申玉几山人校刻

遊龍門奉先寺

魯嘗曰龍門在東都河南縣地志云闕塞

山一名伊闕而俗名龍門黃鶴曰唐

志河南自龍門山東抵天津有伊水

然後漢志唐志俱云馮翊有龍門山

按馮翊與河中府為鄰而河中有龍

門縣又有龍門山志云即導河至龍

門之地土記云梁山北有龍門並在

河中之境故河中有龍門關龍門倉

九域志云河南縣有龍門鎮又有闕

塞山云即龍門薛仁貴傳云絳州龍

門人則絳州亦有龍門公自秦赴同

谷道經龍門鎮則秦成間又有龍門
嘗考絳至河中不滿三百里馮翊至
河中不滿百里兩地相接按地理河
南卽春秋時屬魏地後魏兼置雍州
乃屬秦州宜此山之跨數郡是詩
乃公開元二十四年後遊東都作

已從招提遊更宿招提境陰壑生靈籟月林

散清影天闕象緯逼雲卧衣裳冷卧字可虛
可實用天

闕語渾若天闕天

闊豈不牽強耶 欲覺聞晨鍾令人發深省

師古曰釋書招提菩薩皆古佛號故寺謂之

招提或名伽藍或名道場其實一也靈籟卽

風也猶雨曰靈雨蔡夢弼曰本一作虛籟蔡

條西清詩話荆公云天闕當作天闕對雲卧

爲親切韋述東都記龍門號雙闕以與大內對峙若天闕焉此龍門詩也用闕字無疑

贈李白

夢弼曰時李白將爲梁宋之遊鶴曰詩云李侯金闥彥亦

有梁宋遊當是開元二十四年下考

功第後遊齊趙時作按公壯遊詩云

放蕩齊趙間裘馬頗清狂快意入九

年西歸到咸陽則歸京師在天寶四

五載而李白傳云天寶初已到剡中

則此詩當在於開元二十四五載作

蓋公詩云二年客東都又有梁宋遊

殆是初遊齊趙時梁權道編在十二

載非

二年客東都所歷厭機巧野人對羶腥蔬食

常不飽豈無青精飯使我顏色好苦乏大藥

資山林跡如掃李侯金閨彥脫身事幽討亦

有梁宋遊方期拾瑤草野人所喜者蔬食第

耳使有大藥資隱山林絕人跡豆願見此機

巧者乎舊解屑屑難合此其至淺者王彥輔

曰東都洛陽也學林新編云陶隱居登真訣

有乾石青精餽飯餽音迅謂食也其法即南

燭草木浸米蒸飯暴乾其色青如驚珠食之

延年此子美所謂青精飯也杜修可曰丹書

抱陽山人藥證曰夫大藥者須鍊沙中汞能

取鉛底金黃芽為根蒂水火鍊功深王洙曰

江文通別賦金閨之諸彥注金閨金馬門也

鮑彪曰白嘗供奉翰林故云趙次公曰梁謂

汴州今之東京宋謂宋州今之南京也山海經始瑤之山帝女死焉化為瑤草江文通別賦云惜瑤草之徒芳師曰瑤草乃珊瑚樹之類仙家用以合丹藥服餌

望嶽

岱宗夫如何齊魯青未了

望嶽而言即齊魯青未了五字雄蓋

一世。青未了語好夫字誰何

造化鍾神秀

陰陽割昏曉盪胸生層雲

對下句苦。盪胸月語不必可解登高

意豁自見其趣

決眚入歸鳥會當凌絕頂一覽衆山

小鄭昂曰岱宗泰山也今屬兗州升中告代于此是山為五嶽之長故曰岱宗趙曰陰

陽割昏曉如史記言崑崙日月所相避隱其
光明也割者分也洙曰張衡南都賦消水盪
其胃鄭曰盪他浪切師曰曾與層通趙曰昔
目睫也音牆細切司馬相如賦弓不虛發中
必決毗此借用其字

劉九法曹鄭瑕丘石門宴集鶴曰按唐志瑕

丘縣本魯負瑕邑屬兗州石門屬齊州

秋水清無底蕭然淨客心掾曹乘逸興鞍馬
到荒林能吏逢聯璧華筵直一金晚來橫吹
好泓下亦龍吟無可取。洙曰漢制以曹官為掾如屋之掾也言其有所

負荷晉潘岳夏侯湛美容觀每同行人謂之
連璧張詠曰史記注古人以一鎰爲一金一
橫吹之名洙曰馬融長笛賦近世雙笛從羌
起羌人截竹未及已龍鳴水中不見已截竹吹之聲相似

與李十二白同尋范十隱居

李侯有佳句往往似陰鏗余亦東蒙客憐君
如弟兄醉眠秋共被攜手日同行更想幽期
處還尋北郭生入門高興發下注脚不得終待親見自喻耳
侍立小童清落景聞寒杵屯雲對古城向來

吟橘頌誰欲討葍羹誰恐是惟字是不願論簪笏悠

悠滄海情洙曰陳書陰鏗字子堅善五言詩為當時所重趙曰東蒙山在兗州

洙曰後漢姜肱兄弟同被而寢趙曰比郭生

指言范十隱居修可曰楚詞有橘頌趙曰晉張漸在齊王問府見秋風起思吳中菰菜葍羹鱸魚鱠遂命駕而歸

題張氏隱居二首鶴曰按舊唐書李

諸生張叔明等隱於徕山號為竹溪六逸又子美雜述云魯有張叔卿

意叔明叔卿止是一人卿與明有一誤耳不然亦兄弟也是詩題張氏隱

居豈其人歟詩中不貪遠害之句與白傳及雜述意頗合

春山無伴獨相求
伐木丁丁山更幽
澗道餘寒歷
冰雪石門斜日到林丘
不貪夜識金銀氣
遠害朝看麋鹿遊
乘興杳然迷出處
對君

疑是泛虛舟

鶴曰石門見前注
宋曰史天官書敗軍敗國之墟下積金寶上

皆有氣今詩意謂不貪故夜識其氣也師曰
虛舟喻虛已以遊世洙曰莊子方舟而濟於
河有虛船來觸舟雖有褊心之人不
怒人能虛已以遊世其孰能害之

之子時相見
邀人晚興留
濟潭鱸發發
春草鹿呦呦
杜酒偏勞勸
張梨不外求
前村山路

險歸醉每無愁

宋曰濟濟作霽杜康善造酒潘岳間居賦張公大谷之梨

贈李白

秋來相顧尚飄蓬未就丹砂愧葛洪痛飲狂

歌空度日飛揚跋扈為誰雄

飛揚跋扈亦謂太白耳正是妙

意舊注以為祿山且沒交涉。補曰晉書葛洪字稚川聞交趾出丹砂求為勾漏令比史齊高祖謂世子曰侯景專制河南十四年常有飛揚跋扈之志

登兗州城樓

東郡趨庭日南樓縱目初浮雲連海岱平野

入青徐

俯仰海槩語何地無之

孤嶂秦碑在荒城魯殿

餘從來多古意臨眺獨躊躇

涿曰兖州漢之東郡夢陶曰公

父開嘗為兖州司馬公時省侍之故云趨庭

是時張玠亦客兖州有分好玠子乃建封也

王禹偁曰海岱東海泰山也青徐二州也皆

與兖相接涿曰史記始皇東行郡縣上鄒嶧

山刻石頌功德李斯作文唐志兖州魯郡也

王文考魯靈光殿賦序魯靈光殿者漢恭王

餘所立也遭漢中微自西京未央建

章之殿悉見隳壞而靈光巋然獨存

對雨書懷走邀許主簿

鶴曰兖州任城縣是也

東嶽雲峯起溶溶滿太虛震雷翻幕燕驟雨

落河魚座對賢人酒門聽長者車相邀愧泥

寧騎馬到階除

殊曰左傳季札曰夫子之在此也猶燕之巢于幕上魏略

魏太祖時酒禁人竊飲之故難言酒以清者為聖人濁者為賢人漢書陳平家以席為門

門外多長者車轍

已上人茅齋

歐陽公曰僧齊已也善吟詩知名於唐

已公茅屋下可以賦新詩枕簟入林僻茶瓜

留客遲江蓮搖白羽天棘蔓青絲空忝許詢

輩難酬支遁詞

殊曰白羽謂扇也學林新編云天棘蔓青絲蓋天門冬亦

名天棘其苗蔓生好纏竹木上葉細如青絲
寺院庭檻中多植之可觀後人改蔓字為夢
又釋天棘為柳皆非也趙曰歐陽公善本夢
作蔓字夢弼曰博物志抱朴子皆言天門冬
一名顛棘蓋顛天聲相近也趙曰管支
遁字道林講維摩經許詢常設問難

房兵曹胡馬

胡馬大宛名鋒稜瘦骨成竹批雙耳峻風入

四蹄輕所向無空闊真堪託死生彷彿老成亦無玄黃

亦無駢騰有如此萬里可橫行朱曰漢代大宛獲汗血馬

北壯作西極天馬之歌鄭曰宛於爰切批篇迷切
趙曰相馬經耳欲銳而小如削筒沫曰顏延

年籍白馬賦
品藝駢騰

畫鷹

素練風霜起

素練如霜謂未畫時緋色耳注誤

蒼鷹畫作殊

攫身思狡兔側目似愁胡

以碧眼言之

條鏃光堪

摘軒楹勢可呼何當擊凡鳥毛血灑平蕪

攫荀勇切朱曰攫身猶竦身也隋魏彥深鷹賦立如植木喻似愁胡鄭曰條他刀切編絲繩也鏃徐釗切圓轉轡也黃山谷曰勢可呼謂可呼以獵也

臨邑舍弟書至苦雨黃河泛溢隄防

之患簿領所憂因寄此詩用寬其意

鶴曰按唐地理志臨邑縣屬齊州河南道又按五行志開元二十九年七

月伊洛及支川皆溢是秋河南河北二十四郡水

二儀積風雨百谷滯波濤○大家數語好聞道洪

河坼遙連滄海高職司憂悄悄郡國訴嗷嗷

舍第卑棲邑防川領簿曹尺書前日至版築

不時操難假龜鼉力空瞻烏鵲毛燕南吹吠

畝濟上沒蓬篙螺蚌滿近郭蛟螭乘九臯徐

關深水府碣石小秋毫白屋留孤樹青天失

萬艘隨事有氣無不可寫吾衰同泛梗利涉想蟠桃倚

賴天涯釣猶能掣巨鰲洙曰漢書考城令王

棘非鷺鳳所棲趙曰汲冢紀年周穆王東至

九江以隔巖為橋梁洙曰淮南子烏鵲填河

成橋鶴曰齊地紀云渤海東有碣石徐關亦

齊地也洙曰山海經東海度索山有大桃屈

盤三千里名曰蟠桃列子龍

伯之國有大人釣而連六鰲

冬日有懷李白

寂寞書齋裏終朝獨爾思更尋嘉樹傳不忘

角弓詩

此與出處別謂他種樹為隱者之禩計我之不忘如角弓以其詩故也

褐風霜入還丹日月遲未因乘興去空有鹿

門期

洙曰左傳昭公二年晉侯使韓宣子來聘公享之韓子賦角弓既享有宴于季

氏嘉樹焉宣子譽之武子曰宿敢不封殖此樹以無忘角弓遂賦甘棠漢書貢禹禠褐不

完注云禠者謂篋豎所著布長襦也褐毛布也鄭曰禠臣庾切褐胡葛切師曰還丹九轉

丹也九遍循環然後成就洙曰晉王子猷雪夜乘興訪戴安道後漢龐德公携妻子登鹿

門山因採藥不返

龍門

鶴曰龍門在河南此詩云往來時屢改當是天寶初作。天寶

初東
都作

龍門橫野斷驛樹出城來氣色皇居近金銀

佛寺開

公自注山有佛寺金碧照耀最為勝槩

往來時屢改川

陸日悠哉相閱征途上生涯盡幾回

晉南豐曰皇居

謂洛邑也洪覺範曰佛地
有金色世界銀色世界

天寶初南曹小司寇舅與我太夫人

堂下累土為山一匱盈尺以代彼朽

木承諸焚香瓷甌甌甚安矣旁植慈

竹蓋茲數峯嶽岑嬋娟宛有塵外數

致乃不知興之所至而作是詩鶴曰按唐

志吏部員外郎二人一人判南曹為尚書侍郎之貳蓋在選曹之南故謂

之南曹今題曰南曹小司寇則小司寇為刑部侍郎而唐未聞以侍郎判

南曹豈郎亦得稱為小司寇耶太夫人乃公之祖母盧氏按年譜天寶三

載盧氏卒

一匱功盈尺三峯意出羣望中疑在野幽處

欲生雲慈竹春陰覆香爐曉勢分惟南將獻

壽佳氣日氛氳

洙曰書為山九仞功虧一匱

南方生子母竹今慈竹是也又謂孝竹述異記漢章帝三年子母竹生白虎殿前時謂之

孝竹羣臣作孝竹頌

春日懷李白

鶴曰按舊史李白天寶初客遊會稽與吳筠隱

於剡中今公詩有江東之句蓋其時也

白也詩無敵飄然思不羣清新庾開府俊逸

鮑參軍渭北春天樹江東日暮雲何時一樽

酒重與細論文

鄭曰庾信字子山在周為車騎將軍開府洙曰鮑照字明

遠爲宋臨海王參軍遜齋閑覽云或問王荆
公云編四家詩以子美爲第一太白爲第四
豈白之才格詞致不逮子美耶公曰白之歌
詩豪放飄逸人固莫及然其格止於此而已
不知變也至於子美則悲懽窮泰發歛抑揚
疾徐縱橫無施不可故其詩有平淡簡易者
有綺麗精確者有嚴重威武若三軍之帥者
有奮迅馳驟若泛駕之馬者有淡泊閑靜若
山谷隱士者有風流醜籍若貴介公子者蓋
其詩緒密而思深觀者苟不能臻其闢奧未
易識其妙處夫豈淺近者所能窺哉此子美
之所以光掩前人而後來無繼也元稹以謂
兼人所獨專斯言信矣或者又曰評詩者謂
子美期白太過反爲白所誦公曰不然子美
贈白詩則曰清新庾開府俊逸鮑參軍但比
之庾信鮑照而已又曰李侯有佳句往往似

陰鏗鏗之詩又在鮑庚下矣李泰伯云渭北子美所居江東白之所在也

李監宅二首

趙曰按靈怪錄李令問開元中為秘書監好美

服珍饌以奢聞於天下有炙驢罌鷄之屬慘毒取味今詩有異味重之句

豈令人問乎

尚覺王孫貴豪家意頗濃屏開金孔雀褥隱

繡芙蓉且食雙魚美誰看異味重門闌多喜

色女婿近乘龍

洙曰唐高祖皇后竇氏父毅仕周尚武帝姊襄陽公主毅

曰此女有奇相何可安與人畫二孔雀屏間請昏者射二矢陰約中日則許之閱數十皆

不合高祖宸後射中各一目遂歸于帝師曰
隱如隱几之隱黃希曰異味字見左傳薛夢
符曰楚國先賢傳孫傳李元禮俱娶太尉桓
玄之女時人謂桓叔元兩女俱乘龍言得婿
如龍也

華館春風起高城煙霧開雜花分戶映嬌燕
入簷迴點綴一見能傾座虛懷只愛才鹽官

雖絆驥名是漢庭來

與任城許主簿遊南池鮑曰任城縣屬兗州

秋水通溝洫城隅集小船晚涼看洗馬森木

亂鳴蟬菱熟經時雨蒲荒八月天晨朝降白

露遙憶舊青氈

宋曰晉王獻之夜卧齋中有盜入屋獻之語云青氈我家

舊物可特置之

過宋真外之問舊莊

公自注真外季弟執金吾見知

於代故有下句鶴曰按史宋之問號
州弘農人嘗為考功真外郎之問居
雖在號而有莊在首陽之間弟之悌
以驕勇聞又按中宗時增置修文館
學士擇朝中文學之士之問與杜審
言首膺其選故之問有送審言詩云
卧病人事絕嗟君萬里行審言死
之問有祭文公與之盖有世契也

宋公舊池館零落首陽阿枉道祗從入吟詩

許更過

謂之問往矣一任作詩過之尊慕

淹

留問耆老寂寞向山河

他人問花野草之感真不知其可厭耳

更識將軍樹悲風日暮多

夢弼曰河南郡境界薄城東北十里

首陽山上有首陽祠趙曰凡枉道而遊者猶

任其入况能詩者而不許其過乎公自負可

知也洙曰後漢馮異每所止舍諸將並坐論

功異獨屏樹下軍中號曰大樹將軍師曰將

軍樹美負外

弟執金吾也

夜宴左氏莊

風林纖月落

是起興

衣露淨琴張暗水流花逕

春星帶草堂

景語閑曠

檢書燒燭短看劔引杯長

詩罷聞吳詠扁舟意不忘

豪縱自然結趣蕭散。趙曰本一作

說劔鶴曰公未鄉貢之前遊吳越下第之後遊齊趙此詩云詩罷聞吳詠扁舟意不忘謂

因吳音而思其地也

鄭駙馬

潛曜

宴洞中

鶴曰按鄭潛曜尚明皇臨晉公主而

廣文學士皮之姪也史稱替曜有孝行又按臨晉公主皇甫淑妃所生公與替曜有舊天寶四載間嘗為作皇甫淑妃碑詳此詩在其先後也。天

寶四載
東都作

主家陰洞細煙霧留客夏簟青琅玕春酒杯
濃琥珀薄冰漿枕碧碼碯寒悞疑茅堂過江
麓已入風磴靈雲端自是秦樓壓鄭谷如此

鄭谷亦時聞雜佩聲珊珊鄭曰磴丁鄧切磴
是割見
秦女弄玉吹簫於樓上鄭
谷謂鄭子真耕於谷口也

重題鄭氏東亭公自注在新安界鶴

前篇宴洞中是夏作此
詩乃秋作故云重題

華亭入翠微
秋日亂清暉
崩石欹山樹
清連
曳水衣
紫鱗衝岼躍
蒼隼護巢歸
向晚尋征
路殘雲傍馬飛

洙曰爾雅山未及上曰翠微
夢弼曰詩注水成文曰漣水

衣也準
鷺鳥也

陪李北海宴歷下亭

公自注時邑人
蹇處士等在鶴

曰李北海即李筮也按唐史天寶初
筮為汲郡北海二郡太守歷下亭在
齊州以有歷山故名又按筮天寶五
載奸賊事發此詩當作於天寶四載

東藩駐皂蓋
北渚凌清河
海右此亭古
濟南

名士多

題詩適當如此

雲山已發興玉佩仍當歌修

竹不受暑交流空湧波蘊真愜所遇落日將

如何貴賤俱物役從公難重過

夢弼曰青齊皆山東之國

故稱東藩北渚即北海郡清河乃濟河郡北

渚與清河蓋相近也深曰後漢志中二千石

皆皂蓋朱兩幡夢弼曰曹大家東征賦望河

濟之交流洙曰謝靈運詩表靈物莫賞蘊真

誰為傳江淹詩

悠悠蘊真趣

同李太守登歷下古城負外新亭

新亭結構罷隱見清湖陰跡籍臺觀舊氣溟

海岳深

此籍此溟亦為北海牽帥

圓荷想自昔遺堞感至

今芳宴此時具哀絲千古心主稱壽尊客筵

秩宴北林不阻蓬華興得兼梁甫吟

師曰清湖指鵲

湖也今齊州廨舍中大地是也按地理志歷

下亭在清湖之北跡籍臺觀舊謂此亭有圖

籍載後齊所築今之芳因其舊跡故新亭也

氣溟海岳深謂此城憑岳帶海岳之氣溟

濛然深邃也鄭曰堞徒協切城上垣也具本

一作埧趙曰禮記絲聲哀洙曰詩賓之初筵

左右秩秩蜀志諸葛亮躬耕隴畝好為梁甫吟

登歷下古城負外孫新亭亭對鵲湖

時李之芳自尚書郎出齊州製此亭

北海太守李邕

吾宗固神秀體物寫謀長形制開古跡曾
冰延樂方太山雄地理巨壑眇雲莊高興
泊煩促永懷清典常含弘知四大出入見

三光負郭喜粳稻安時歌吉祥

邕詩殆不可曉師曰

曾冰延樂方謂此亭夏月陰涼如積冰然
可以延引歡樂之方耳方讀如方術之方
也洙曰易既有典常又含弘光大老子域
中有四大此借用言四方廣大無所不見

也

暫如臨邑至蜡山湖亭奉懷李負外

率爾成興

鶴曰臨邑縣屬齊州蜡山湖亭登即李白詩題所謂

鵲湖耶蜡與鵲必有一誤

魯曰蜡按玉篇助麥切

野亭逼湖水歇馬高林間
鼉吼風奔浪魚跳

日映山暫遊阻詞伯却望懷青關
藹藹生雲

霧唯應促駕還

趙曰李負外應在青關故有却望之句

行次昭陵

夢弼曰唐太宗陵在醴泉縣西鶴曰按天寶五載詔

天下通一藝者詣京師公自東都西歸應詔故道經昭陵也。天寶五載

長安作

舊俗疲庸主羣雄問獨夫有典有則識歸龍鳳質

威定虎狼都天屬尊堯典神功協禹謨風雲

隨絕足日月繼高衢狀他父子間意文物多師古朝

廷半老儒直詞寧戮辱賢路不崎嶇往者災

猶降蒼生喘未蘇指揮安率土盪滌撫洪鑪

壯士悲陵邑幽人拜鼎湖玉衣晨自舉鐵馬

汗常趨

上句寂寥下句清爽皆玄意入冥矣

松柏瞻虛殿塵沙

立暝途寂寥開國日流恨滿山隅

沫曰庸主謂隋煬帝

羣雄謂李密之流也按唐紀太宗方四歲有書生見之曰龍鳳之姿天日之表蘇秦傳秦虎狼之國也今云威定虎狼都謂先定關中也天屈父子也謂高祖禪位于太宗也希曰高祖謚神堯又遜位如堯太宗有九功之德可歌如禹也師曰風雲隨絕足謂李靖之輩從高祖而起也趙曰魏文帝與孫權書中國雖饒馬其知名絕足亦時有之歐曰盪滌撫洪鑪謂陶成天下如洪鑪爾洙曰漢書黃帝鑄鼎於荆山下鼎成而仙去後人名其地為鼎湖修可曰玉衣貴人死者珍異之衣洙曰宣帝賜霍光玉衣梓官歌秉死亦賜玉衣夢

粥曰漢武故事高皇廟中御衣自篋中出舞
於殿上冬衣自下在席上平帝時哀帝廟衣
自在
匣外

飲中八仙歌

宋曰按唐史李白自知

不修與賀知章李適之汝陽王璣崔
宗之蘇晉張旭焦遂爲酒八仙修可
曰蔡條云此歌重疊用韻古無其體
嘗質之叔父元度云此歌分八篇人
人各異雖重押韻無害
亦三百篇分章之意也

知章騎馬似乘船
眼花落井水底眠

浙人不喜騎馬

而喜乘船
汝陽三斗始朝天
道逢麴車口流

蓋嘲之

涎恨不移封向酒泉左相日與費萬錢飲如
長鯨吸百川銜杯樂聖稱避賢宗之蕭灑美
少年舉觴白眼望青天皎如玉對臨風前蘇
晉長齋綉佛前醉中往往愛逃禪李白一斗
詩百篇長安市上酒家眠天子呼來不上船
自稱臣是酒中仙張旭三杯草聖傳脫帽露
頂王公前揮毫落紙如雲煙焦遂五斗方卓
然高談雄辯驚四筵

不倫不理各極其平生
醉趣古無此體無此妙

謂爲八仙甚稱。八篇近之吾意復如題畫
人目一二語集之成歌像其醉中出口而成
更見佳趣第難爲拘檢者道耳洙曰賀知章
會稽人少爲秘書監汝陽王璉睿宗之孫讓
皇帝憲之子師曰唐史拾遺汝陽王嘗於明
皇前醉不能下殿上遣人掖出之璉謝罪曰
臣以三斗壯膽不覺至此地理志酒泉今肅
州漢福祿縣地武帝開之置酒泉郡城下有
泉味甘如酒洙曰唐史李適之雅好賓客飲
酒一斗不亂天寶初代牛仙客爲左丞相後
爲李林甫所中罷政賦詩云避賢初罷相樂
聖且銜杯試問門前客今朝幾箇來晉何曾
日食萬錢容齋三筆云杜子美八仙歌銜杯
樂聖稱避賢正用適之詩語今所行本誤以
爲世賢絕無意義兼世字是太宗諱豈敢用
哉洙曰侍御史崔宗之謫金陵與白詩酒唱

和嘗月夜乘舟自采石至金陵白衣宮錦袍
於舟中顧瞻笑傲旁若無人毛曾與夏侯玄
共坐時人謂之兼葭倚玉對修可曰蘇晉頤
之子也學浮屠術嘗得胡僧慧澄綉彌勒佛
一本寶之嘗曰是佛好飲米汁正與吾性合
吾願事之他佛不愛也彌勒佛即布袋和尚
也常於市中飲酒食豬頭時人無識之者定
功曰范傳正作白墓碑曰玄宗泛白蓮他召
李白作序時已被酒命高將軍扶以登舟或
云蜀人謂衣領為船妄也洙曰張旭善草書
每大醉呼叫狂走迺下筆或以頭濡墨而書
及醒自以為神因呼曰顛後漢張芝好草書
韋仲將謂之草聖師曰唐史拾遺云焦遂口
吃對客不出一言醉後酬酢如注射時目為
吃酒

贈特進汝陽王二十韻

彦輔曰按史睿宗長子憲

本名成器立為皇太子以玄宗有討

平韋氏之功成器懇讓儲位封為寧

王薨謚曰讓皇帝長子

璉封汝陽郡王加持進

特進羣公表天人夙德升霜蹄千里駿風翻

九霄鵬服禮求毫髮推忠忘寢興聖情常有

眷朝退若無憑

言其不藉貴勢語獨精嫩

仙醴來浮蟻奇

毛或賜鷹清關塵不雜中使日相乘晚節嬉

遊簡平居孝義稱自多親棣萼誰敢問山陵

山陵指祖宗此十字
家有體氣味甚長

學業醇儒富辭華哲匠

能筆飛鸞聳立章罷鳳騫騰

語亦健壯

精理通談

笑忘形向友朋寸腸堪繾綣一諾豈驕矜已

忝歸曹植何知對李膺招要恩屢至崇重力

難勝披霧初歡夕高秋爽氣澄樽壘臨極浦

鳧鴈宿張燈花月窮遊宴炎天避鬱蒸硯寒

金井水簷動玉壺冰瓢飲唯三逕巖栖在百

層謬持蠡測海況挹酒如澠鴻寶寧全秘丹

梯庶可陵淮王門有客終不愧孫登

上下不相紹徒

押韻見意後來陳黃祖述皆過。宋曰漢官

儀曰諸侯功德優盛朝廷所敬異者賜位特

進在三公下特進漢官也兩漢魏晉以加官

莊子馬蹄可以踐霜雪又鵬之徙於南溟也

搏扶搖而上九萬里劉孝標論不雜風塵魏

志邯鄲淳嘆曹植之才謂之天人今云已忝

歸曹植公以况已之與汝陽王也後漢杜密

李膺俱坐黨綱而名行相次時人亦稱李杜

以前有李固杜喬今云何知對李膺公謙辭

也晉衛瓘奇樂廣曰見此人瑩然若披雲霧

而觀青天夢弼曰陳無已本作巖栖異一睦

睦神凌切稻睦也宋曰漢東方朔論曰以管

窺天以蠡測海注蠡瓢瓢也來戈反左傳齊

侯曰有酒如澠有肉如陵注澠食陵切水名

上集卷六

七

東

出齊國漢書劉向傳淮南有枕中鴻寶苑祕
書注云鴻寶苑祕書並道術篇名藏在枕中
不漏泄也謝靈運詩躡步陵丹梯漢淮南王
安好古愛士招致賓客有八公之徒晉書隱
逸傳孫登好讀易撫一絃琴嵇康從之遊將
別謂曰先生竟無言乎登曰子才多識寡難
乎免於今之世矣子無求乎康不能用果遭
非命乃作幽憤詩曰昔慙柳下今愧孫登

贈比部蕭郎中十兄

公自注甫從姑之子鶴曰唐比

刑部

有美生人傑由來積德門漢朝丞相系梁日
帝王孫蘊藉為郎久魁梧秉哲尊詞華傾後

輩風雅藹孤騫宅相榮姻戚兒童惠討論見

知真自幼謀拙愧諸昆漂蕩雲天闊沉埋日

月奔致君時已晚懷古意空存中散山陽鍛

愚公野谷村寧紆長者轍歸老任乾坤宋曰漢丞

相蕭何梁武帝姓蕭東觀漢紀桓榮温恭存

編藉周勃傳勃魁梧奇偉晉魏舒少孤為外

家審氏所養竊起宅相者云當出貴甥舒曰

當為外氏成此宅相嵇康為中散大夫居山

陽性絕巧而好鍛鄭曰鍛都玩切修可曰韓

非子齊威入山問父老此何谷曰臣舊畜牛

生犢以子買駒少年謂牛不生駒遂持而去

傍鄰以臣為愚遂名為愚公谷朱曰長者轍

前注見

今夕行

今夕何夕歲云徂更長燭明不可孤咸陽客
舍一事無相與博塞為歡娛馮陵大叫呼五
白袒跣不肯成梟盧英雄有時亦如此邂逅
豈即非良圖君莫笑劉毅從來布衣願家無

儋石輸百萬

不深不淺語。宋曰說文曰博局戲六著十二碁古者烏曹作

博尹文子曰博盡關塞之宜得周通之路說苑曰塞行棋相塞謂之塞也莊子問毅奚事

則博塞以遊塞先代切夢弼曰左傳馮陵故
邑沫曰宋玉招蒐成梟而牟呼五白注云五
白博齒也梟勝也牟倍勝也謂倍勝而呼
子數也宋劉毅於東州聚博蒲大擲一判應
至數百萬餘人並黑犢以還唯劉裕及毅在
後毅次擲得雉大喜褰衣繞床呼謂同坐曰
非不能盧不事此耳裕惡之因援五木久之
曰老兄試為卿答既而四子俱黑其一子轉
躍未定裕厲聲喝之即成盧毅意殊不快也
又慕容寶與韓黃李根等博稱誓之曰世云
博稱有神若富貴可期願得三盧於是三擲
盡盧但跌大叫師曰梟盧博采也如今之博
采有豬有豹是也沫曰南史桓玄聞劉毅起
兵曰毅家無儋石之儲博稱一擲百萬共舉
大事何謂無成漢朔通傳守儋石之儲者闕
卿相之位應劭云齊人名嬰為儋石受二斛

晉灼云石斗石也師古云儋者一
人之所負儋也音義云儋丁濫切

奉寄河南韋尹丈人

公自注甫故廬在偃師奉韋公

頻有訪問故有下句鮑曰韋濟韋嗣立子自河南尹遷尚書左丞○天寶

七載在長安作

有客傳河尹

今人稱河南尹曰河尹豈不傳笑

逢人問孔融

青囊仍隱逸章甫尚西東鼎食為門戶詞場

繼國風尊榮瞻地絕踈放憶途窮濁酒尋陶

令丹砂訪葛洪江湖漂裋褐霜雪滿飛蓬牢

落乾坤大周流道術空謬慙知薊子真怯笑

揚雄盤錯神明懼謳歌德義豐尸鄉餘土室

難說祝雞翁趙曰漢李膺為河南尹而孔融造門為上客時韋濟尹河南故

公得以孔融為比宋曰晉郭璞妙於陰陽筭曆嘗受業於鄭公得青囊中書九卷孔子居

宋冠章甫之冠趙曰鼎食者列鼎而食以言

也晉陶淵明字元亮性嗜酒嘗為彭澤令葛

洪字稚川聞交趾出丹砂求為勾漏令宋曰

漢書貢禹禔褐不完詩首如飛蓬後漢薊子
訓有神異之道既到京師公卿以下候之者
坐上常數百人後因遁去遂不知所止揚雄
傳雄草太玄或朝雄以玄尚白雄作解嘲曰

今子乃以鳴臬而笑鳳凰執螭蜺而嘲龜龍
不亦病乎子徒笑我玄之尚白吾亦笑子之
病甚虞詡傳詠曰不遇盤根錯節何以別利
器乎治政咸稱神明漢地理志偃師有尸鄉
列仙傳祝雞翁居尸鄉上下養雞
百餘各有名字呼名則種別而至

贈韋左丞文濟

公自注濟之兄
洹亦為給事中

左轄頻虛位今年得舊儒相門韋氏在經術
漢臣須時議歸前列天倫恨莫俱鵠原荒宿
草鳳沼接亨衢兩語叙其兄弟世美有前甲
後賀之意而讀之亦自可傷
有客雖安命衰容豈壯夫家人憂几杖甲子

混泥途

自謂。用事不用事。

不謂矜餘力還來謁大巫

歲寒仍顧遇日暮且踟躕老驥思千里飢鷹

待一呼君能微感激亦足慰榛蕪

修曰唐六典左右

丞掌管轄省事糾舉憲章朱曰漢韋賢及子玄成皆以經術為相詩脊令在原兄弟急難

檀弓朋友之墓有宿草而不哭焉晉荀勗自中書監遷尚書令有賀之者曰奪我鳳皇池

諸君賀我耶中書疑遠晉人比天上鳳皇池月令養衰老授几杖襄三十年傳絳縣老人

曰臣生之歲正月甲子朔四有二十五甲子矣趙孟召而謝過焉曰使吾子辱在泥塗

久矣乃武之罪也吳志陳琳答張紘書曰小巫見於大巫神氣盡矣魏武樂府云老驥伏

歷志在千里魏志陳登謂呂布曰曹公言待將軍譬如養鷹飢則為用飽則揚去孫楚鷹賦飢則易呼夢弼曰按唐書韋思謙高宗時為尚書左丞子承慶嗣立代承慶為鳳閣舍人承慶嗣立武后時亦代為天官侍郎及知政事嗣立二子洹濟洹終陳留太守濟天寶中授尚書左丞三世並為省轄世罕與比

奉贈韋左丞丈二十二韻

鶴曰此詩前後乃陳

情也公以開元二十四年預京兆貢舉而不第遂因長安故云早充觀國賓旅食京華春至天寶六載玄宗詔天下有一藝者赴轅下公自東都歸應詔而林甫忌人斥已建言乞先下尚書省試遂無一中者公由是退下

故云王上頃見徵青冥却垂翅末云
况懷辭大臣公明年果又有東都之
遊也

純袴不餓死儒冠多誤身丈人試靜聽賤子

請具陳

駝麟悲憤具見起語

甫昔少年日早充觀國賓

讀書破萬卷下筆如有神

此語本誇大但得破字猶言近萬

賦料揚雄敵詩看子建親

料他人不能敵看惟有子建或近下

又用同時前輩二人英氣橫出

李邕求識面王翰願卜隣自

謂頗挺出立登要路津致君堯舜上再使風

俗淳此意竟蕭條行謔非隱淪騎驢三十載
旅食京華春朝扣富兒門墓隨肥馬塵殘杯
與冷炙到處潛悲辛主上頃見徵欬然欲求
伸青冥却垂翅蹭蹬無縱鱗甚愧丈人厚甚
知丈人真入得磊落每於百寮上猥誦佳句新竊
效貢公喜難甘原憲貧焉能心怏怏祗是走
跋跋今欲東入海卽將西去秦尚憐終南山
回首清渭濱常擬報一飯况懷辭大臣白鷗

没浩蕩

没字本不如波字之趣但以語勢當是沒字相應

萬里誰

能馬

此起結皆可慨然非乞怜語也韋自知杜必嘗薦而不達故有心快快走跋跋

之嘆未止如此悲壯未衰。朱曰前漢班氏

叙傳班伯與王許子弟為羣在於綺襦紈袴

之間非其所好也易師貞丈人吉注丈人嚴

莊之稱也夢弼曰漢樓護傳王邑居尊下稱

賤子上壽趙曰易觀國之光利用賓于王前

漢揚雄傳雄好詞賦每作賦擬相如黃曰魏

曹植字子建善屬文著責躬公讌等詩後人

謂天下才共一石子建獨得八斗師曰唐李

邕有才名後進想慕求識其面以至道塗聚

觀傳其眉目有異王翰文士也杜華嘗與遊

從華母崔氏云吾聞孟母三徙吾今欲卜居

使汝與王翰為鄰夢弼曰唐新書甫少貧不

自振客齊趙吳越間李邕奇其才先往見之
 沫曰前漢王吉字子陽與貢禹為友世稱王
 陽在位貢禹彈冠言其取舍同也史記仲尼
 弟子傳原憲攝敝衣冠見子貢子貢取之曰
 夫子豈病乎憲曰吾聞之無財者謂之貧學
 道而不能行者謂之病憲貧也非病也終南
 山長安南山一名中南言在天之中都之
 南修可曰潘安仁西征賦言長安之境曰南
 有玄灞素滹北有清渭濁涇洙曰史記范雎
 傳一飯之德必償睡毗之怨必報東坡志林
 淵明採菊東籬下悠然見南山採菊之次偶
 然見山初不用意而境與意會故可喜也今
 皆作望南山子美白鷗沒浩蕩萬里誰能馴
 蓋滅沒於烟波間耳而宋敏求謂余云鷗不
 解沒改作波字二詩改此
 兩字便覺一篇神氣索然

高都護驄馬行

鶴曰按新舊史高仙芝開元末爲安西副

都護舊法以爲高適非也

安西都護胡青驄聲價欵然來向東

俚

此馬

臨陣久無敵與人一心成大功

亦是精語

功成惠

養隨所致飄飄遠自流沙至雄姿未受伏櫪

恩猛氣猶思戰場利

此氣骨不可少

腕促蹄高如踣

鐵交河幾蹴曾冰裂五花散作雲滿身萬里

方看汗流血長安壯兒不敢騎走過掣電傾

城知青絲絡頭為君老何由却出橫門道

只如

此語絕是。宋曰唐安西郡東至烏著鎮去

交河郡七百里南隣吐蕃西連疏勒去葱嶺

七百里北拒突厥貞觀中初置安西都護府

於西州顯慶中移於龜茲城欵許勿切忽也

顏延年緒白馬賦願終惠養蔭本枝兮劉曰

天馬歌天馬徠從西極涉流沙九夷服夢弼

曰相馬經馬腕欲促促則健蹄欲高高則耐

險峻踣匍覆切踏也曾水曾積之水也曾與

層同孝祥曰西域傳大宛國多善馬嶠山上

有馬不可得因取五色牝馬置其下與集生

駒號天馬子洙曰天馬歌體容與兮馳萬里

又曰雷赤汗兮沫流緒宋曰馬善行者追風

追電走過如掣電言其疾也夢弼曰古樂府

青絲纏馬尾黃金絡馬頭三輔黃圖長安城

北出西頭第一門曰橫門門之外有橋曰橫橋如淳曰橋音光

冬日洛城北

謁玄元皇帝廟

公自注廟

有吳道子畫五聖圖趙曰玄元皇帝

李老君也洙曰天寶初玄元皇帝降

于丹鳳門之通衢告錫靈符在尹喜

之故宅上遣使得之乃置玄元廟於

天寧坊二年追尊太聖祖玄元皇帝

仍詔天下諸郡建紫極宮。天寶八

載自長安復

遊東都作

配極玄都闕憑高禁籞長守桃嚴具禮掌節

鎮非常碧瓦初寒外金莖一氣旁

金莖凡語變化氣象

上句政欲如此清映耳

山河扶繡戶日月近雕梁仙李

盤根大猗蘭奕葉光世家遺舊史道德付今

王畫千看前輩吳生遠擅場森羅移地軸妙

絕動官墻五聖聯龍袞千官列鴈行冕旒俱

秀發旌旆盡飛揚翠栢深留景紅梨迥得霜

風箏吹玉柱露井凍銀牀身退卑周室經傳

拱漢王

在周時為柱史卑矣然能使後代拱而師事之此詩意也谷神如

不死養拙更何鄉

趙曰以南在洛城之北故曰配極玄都丹臺仙真之

所也故以言廟深曰漢書音義禁苑之御折
竹以懸繩連之使人不得往來也周禮分官
守祧注遠廟曰祧遷主之所藏也又地官掌
節注節猶信也琪曰碧瓦琉璃瓦也深曰班
孟堅西都賦抗仙掌以承露謂雙立也金莖
注金莖銅柱也定功曰老子生指李樹為姓
而唐以為聖祖故曰仙李盤根大深曰漢孝
景皇后夢日入其懷以七月七日生武帝於
猗蘭殿弈葉猶累世也世家遺舊史謂太史
公不作老子世家而置於列傳道德付今王
謂老子道德經明皇親注也吳道子陽翟人
畫高祖太宗高宗中宗睿宗像於玄元廟天
寶間五帝皆加大聖皇帝之字風箏謂掣箏
挂之風際風至則鳴也銀床井欄也古詩後
園鑿井銀作床金瓶素綆汲寒漿史記老子
周守藏室之史也其學以自隱無名為務居

周久之見周之衰乃遂去師曰經傳拱漢皇
謂漢文景皆崇尚黃帝老子之術也洙曰老
子谷神不死
是謂玄牝

贈衛八處士

師曰按唐史拾遺公與李白高適衛賓相友善

時賓年最少號小友○天寶九載自東都復歸長安作

人生不相見動如參與商今夕復何夕共此
燈燭光少壯能幾時鬢髮各已蒼訪舊半爲
鬼驚呼熱中腸焉知二十載重上君子堂昔
別君未婚兒女忽成行怡然敬父執問我來

何方問荅未及已兒女羅酒漿夜雨剪春韭
新炊間黃粱主稱會面難一舉累十觴十觴
亦不醉感子故意長明日隔山嶽世事兩茫茫

茫

陽關之後此語爲暢。洙曰昭元年傳高辛氏二子闕伯實沈居于曠林不相能也

后帝遷闕伯于商丘主辰商人是因故辰爲商星遷實沈于大夏主參唐人是因故參爲

晉星曹子建詩主稱千金壽古詩會面安可知

贈翰林張四學士均

鮑曰均張說之子尚寧親公主

明皇眷之卽禁中置內宅

翰林逼華蓋鯨力破滄溟兩截不成對天上張公

子宮中漢客星賦詩拾翠殿佐酒望雲亭紫

誥仍兼縮黃麻似六經兼縮六經高鳳聚螢皆如戲耳內分

金帶赤恩與荔枝青無復隨高鳳謂鳳飛於高何物小

兒政是用人名戲筆與桃紅李白驪子鶯歌等其親狎怨別不見痕跡轉換而故人厚者

自知空餘泣聚螢此生任春草垂老獨漂萍

儻憶山陽會悲歌在一聽夢弼曰晉天文志華蓋九星所以蔽

覆帝座天子之華蓋象之逼華蓋言密邇帝座也漢成帝微行常與張放俱時童謠云燕

燕尾涎涎張公子時相見洙曰漢光武與嚴
光共臥太史奏客星犯帝座趙曰拾翠殿在
東內景福殿之東南望雲亦在西內景福殿
之西鶴曰制誥本集賢學士領之今翰林學
士得分掌故云兼縮洙曰以紫泥封誥故曰
紫誥寫誥辭於黃麻紙上訓辭謹嚴如六經
翰林拜命日賜金荔枝帶高鳳後漢逸民也
車胤囊螢照書晉嵇康阮籍爲竹林之會山
陽康所居也向秀後
經山陽作聞笛賦

重經昭陵

草昧英雄起謳歌曆數歸風塵三尺劔社稷
一戎衣翼亮貞文德丕承戢武威聖圖天廣

太宗祀日光輝陵寢盤空曲熊羆守翠微再

窺松栢路還見五雲飛神曰草而不齊味而不明言隋末之亂也

洙曰書予欲左右有民汝翼又使宅百揆亮采惠疇又不承哉武王烈陵山陵也寢寢廟也熊羆守陵寢之兵也翠微山名也夢弼曰

後魏有光及五色雲又有八年宣太后陵

絲雲在松下如車蓋焉

故武衛將軍挽詞三首

嚴警當寒夜前軍落大星壯夫思敢決哀詔

惜精靈上下含蓄王者今無戰借用書生已

有美有限

語

勒銘封侯意踈闊編簡爲誰青

宋曰晉陽秋云有星赤而

芒角自東北西南流投于諸葛亮營俄而亮卒鍾士季檄蜀文王者之師有征無戰後漢

吳祐傳青簡注火灸簡令汗取其青易書復不蠹謂之汗簡

舞劍過人絕鳴弓射獸能銛鋒行愜順猛噬

失躄騰赤羽千夫膳

指鴈爲炙

黃河十月冰橫行

沙漠外神速至今稱

夢弼曰言兵威

之銛思廉切利也

然效順者躄音喬壯貌言如猛虎之齧噬而躄騰者爲之失喪其性命也

修可曰家語赤膳言所膳者千兵也

哀挽青門去新阡絳水遥路人紛雨泣天意

颯風颯部曲精仍銳匈奴氣不驕

匈奴尚畏其部曲則

逝者可知書生善頌者也

無由覩雄略大樹日蕭蕭

頌得是

○希曰三輔黃圖曰長安城東出南頭第一門曰霸城門或曰青門絳水指絳州而言

漢光武紀注大將軍營有五部三校尉部下有曲曲有軍候一人馮異傳諸將並坐論

功異常獨屏樹下軍中號曰大樹將軍

兵車行

師曰此詩為唐玄宗用兵吐蕃而作託漢武以賦刺也

車鞞鞞馬蕭蕭行人弓箭各在腰耶孃妻子

走相送

公自注云古樂府不聞耶孃哭

塵埃

不見咸陽橋牽衣頓足攔道哭
哭聲直上干雲霄道旁過者問行人
行人但云點行頻或從十五北防河
便至四十西營田去時里正與裹頭
歸來頭白還戍邊邊庭流血成海水
武皇開邊意未已君不見漢家山東二
百州千村萬落生荆杞縱有健婦把鋤
犁禾生隴畝無東西況復秦兵耐苦戰
被驅不異犬與

雞長者雖有問役夫敢伸恨且如今年冬未
 休關西卒縣官急索租租稅從何出信知生
 男惡反是生女好生女猶得嫁比隣生男埋
 沒隨百草君不見青海頭古來白骨無人收
 新鬼煩冤舊鬼哭天陰雨濕聲啾啾

洙曰秦國風有

車麟麟注衆車聲車攻詩蕭蕭馬鳴注言不
 諠譁何覲曰咸陽橋卽長安城外橋師曰點
 行者漢中謂之更行以丁藉點照上下更換
 差役防河謂築隄備河水泛決營田如漢趙
 充國獻營田之策無事則耕有事則戰寓兵
 於農之意洙曰里正一里之長也嚴助傳武

帝好征伐四夷開置邊郡夢弼曰隋西域傳吐谷渾城在青海西四十里唐哥舒翰傳築神威軍於青海上吐蕃攻破之又築城於青海中趙曰時有事于吐蕃乃青海之地哥舒翰所立功處也

同諸公登慈恩寺塔

公自注時高適薛據先有此作

洙曰西京雜記西京外郭城進業坊慈恩寺隋無漏寺之故地武德初廢貞觀中高宗在春宮爲文德皇后立故以慈恩爲名寺西院浮圖六級高三百尺永徽三年沙門玄奘所立。天寶十載在長安作

高標跨蒼穹烈風無時休自非曠士懷登茲

翻百憂方知象教力足可追冥搜仰穿龍蛇

窟始出枝撐幽七星在北戶河漢聲西流羲

和鞭白日少昊行清秋秦山忽破碎秦樊察序本如

此近是涇渭不可求俯視但一氣焉能辨皇州

迴首叫虞舜蒼梧雲正愁惜哉瑤池飲日晏

崑崙丘黃鵠去不息哀鳴何所投君看隨陽

鴈各有稻梁謀洙曰王筠棲頭陀寺碑正法既沒象教陵夷注謂為形象

以教人孫興公天台賦非夫遠寄冥搜篤信通神者何有遐想而存之鄭曰仰穿龍蛇空

謂塔間磴道屈曲而升也。撐抽庚切。邪柱也。塔每級之下，蓋多枝撐，至其盡級高處，則爲出枝撐幽矣。鶴曰：寺在長安塔高三百尺，則泰山居東且遠，自應不能爭高。涇渭雖爲大川，亦以塔高而水不可見也。宣和間，樊察序鴈塔題名亦云。杜詩所謂泰山忽破碎，涇渭不可求，蓋言其高遠。洙曰：山海經南方蒼梧之川，其中有九疑山，舜所葬也。穆天子傳：周穆王觴西王母於瑤池之上，又曰：天子升于崑崙之丘，以觀皇帝之宮。趙曰：此暗記慈恩寺之事。南望蒼梧，託虞舜以思高宗。西望瑤池，托西王母以思文德皇后也。洙曰：韓詩外傳：夫黃鵠一舉千里，禹貢：陽鳥攸居。注：隨陽之鳥，鴻鴈之屬也。希曰：鴻鴈事多用稻梁，不出戰國策。

投簡成華兩縣諸子

鶴曰舊本次此詩爲成都作是

以成華爲成都華陽兩縣今以詩考之乃在長安作疑是咸陽華原二縣

咸誤作成也

赤縣官曹擁材傑
軟裘快馬當冰雪
長安苦寒誰獨悲
杜陵野老骨欲折
南山豆苗早荒穢
青門瓜地新凍裂
鄉里兒童項領成
朝廷故舊禮數絕
自然棄擲與時異
况乃踈頑臨事拙
饑臥動卽向一旬
弊裘何啻聯百結
君

原书缺页

原书缺页

漢武帝所築在長安南山子午谷中
師曰元逸人隱道士也有神仙之術

○天寶十一
載在長安作

故人昔隱東蒙峯已佩含景蒼精龍故人今
居子午谷獨在陰崕結茅屋屋前太古玄都
壇青石漠漠常風寒子規夜啼山竹裂王母
晝下雲旗翻知君此計誠長往芝草琅玕日
應長鐵鎖高垂不可攀致身福地何蕭爽

宋

東蒙以蒙山在東曰東蒙地理志屬兗州
趙曰蒼精龍劍也蔡曰春秋繁露云劍佩於左

蒼龍之象宋曰後漢公孫端劍銘含景吐商
夢弼曰三秦記子午長安正南也山名秦嶺
谷名褒斜長安志王莽有意篡漢通子午道
時名爲子午谷劉曰周穆王與王母會於瑤
池雲旗霓裳擁族自天而下夢弼曰漢武內
傳王母曰太上之藥有廣庭芝草碧海琅玕
按道藏經晉時有戍卒屯於子午谷入谷之
西澗水窮處忽見鉄鎖下垂約百有餘丈戍
卒欲挽引而上
有虎蹲踞焉

樂遊園歌

公自注晦日賀蘭揚長史

記樂遊園漢宣帝所立巨長安中太
平公主於原上置亭遊賞其地四望
寬敞每上巳重陽士女於此被袂登
高車馬填塞朝士詞人賦詩翌日傳

於京師鶴曰唐志德宗時李泌請廢正月晦以二月朔爲中和節乃著令

與上巳九日爲三令節卽是前此以正月晦日爲節也

樂遊古園萃森爽煙綿碧草萋萋長公子華

筵勢最高

勢字似無見

秦川對酒平如掌長生木

瓢示真率更調鞍馬狂歡賞青春波浪芙蓉

園白日雷霆夾城仗閭闔晴開詆蕩蕩曲江

翠幕排銀榜拂水低迴舞袖翻綠雲清切歌

聲上

婉約有態

却憶年年人醉時只今未醉已先

悲數莖白髮那拋得百罰深杯亦不辭

語達自別

聖朝亦知賤士醜一物自荷皇天慈此身欲

罷無歸處獨立蒼茫自詠詩

每誦此結不自堪。吾嘗墮淚

於此舉昨沒反山貌詠本作映趙使定作詠

鶴曰三秦記長安正南秦嶺嶺根水流為秦

川龍曰長生木瓢乃木瓢修長而生者用之

以酌酒夢弼曰西京記唐玄宗開元間築夾

城自大明宮至西江芙蓉園仗天子來幸之

儀也漢禮樂志遊闔闔觀玉臺應劭曰

闔闔天門也又天門開詠蕩蕩如淳曰詠讀

如迭詠蕩蕩天體堅清之狀晉潘尼浴水詩

翠幕映洛湄沈炯林屋館記崑山平圃銀牐

相輝夢符曰西京記高帝令城夫人歌出塞

望歸之曲後宮
齊唱聲入雲霄

敬贈鄭諫議十韻

諫官非不達詩義早知名破的由來事先鋒
孰敢爭思飄雲物外律中鬼神驚毫髮無遺
恨波瀾獨老成野人寧得所天意薄警浮生
多病休儒服冥搜信客旌築居仙縹緲旅食
歲崢嶸使者求顏闔諸公厭襴衡將期一諾
重欵使寸心傾君見途窮哭宜憂阮步兵

夢

曰破的先峰皆以比諫議之詩筆也鮑明遠
 舞鶴賦歲崢嶸而催暮洙曰莊子魯君聞顏
 闔得道之士也使人以幣先焉使者致幣顏
 闔曰恐聽者謬而遺使者罪不若審之使者
 復來求之則不得已漢禰衡字正平有才辨
 氣剛傲好矯時慢物曹操怒之送與劉表表
 恥不能容以江夏太守黃祖性急故送衡與
 之後竟為祖所殺季布傳辨士曹丘生謂布
 曰楚人諺曰得黃金百斤不如得季布一諾
 晉阮藉為步兵校尉率意命駕不由徑路車
 迹所窮輒
 慟哭而反

送韋書記赴安西

夫子歛通貴雲泥相望懸白頭無藉在
藉在如聊

賴語爾謂無人復慰藉如韋也
故與哀憐為對以為通藉殊舛
朱紱有哀憐

書記赴三捷公車留二年欲浮江海去此別

意茫然夢弼曰晉丁彬書雲泥異途邈矣懸

必恃其老無有藉在希曰唐志元帥節度使

有掌書記一人宋曰詩一月三捷漢東方朔

待詔公車師古曰公車
令屬衛尉上書者所詣

奉贈太常張卿均二十韻夢弼曰按

二子均均明皇時說在中書均自翰
林學士遷太常卿均亦供奉翰林此
篇兼美其父子兄弟也
鶴曰舊本題作贈均非

方丈三韓外崑崙萬國西建標天地闊詣絕

古今迷言其出使荒遠絕跡特非常語故未易諭耳舊註皆誤也建標猶立柱彷彿

佛其持節之意氣得神仙迥恩承雨露低公子如此想像出塵

相門清議衆儒術大名齊軒冕羅天闕琳琅

識介珪伶官詩必誦夔樂典猶稽健筆凌鸚

鵝銛鋒瑩礪鵜友于皆挺拔公望各端倪通

籍踰青瑣亨衢照紫泥靈虬傳夕箭歸馬散

霜蹄能事聞重譯嘉謨及遠黎弼諧方一展

班序更何躋適越空顛躓游梁竟慘悽謬疑
終畫虎微分是醢雞萍泛無休日桃陰想舊
蹊吹噓人所羨騰躍事仍睽碧海真難涉青
雲不可梯顧深慙鍛鍊才小辱提攜檻束哀
猿叫枝驚夜鵲棲幾時陪羽獵應指釣潢溪

深曰漢郊祀志蓬萊方丈瀛洲三神山在渤

海中魏志三韓在帶方之南東西以海為限

有馬韓辰韓弁韓三種故曰三韓禹貢注崑

崙在荒服之外流沙之內太常卿掌樂者也

故用伶官夔樂事漢禰衡在黃祖座上作鸚

鵡賦筆不停綴文不加點鵲水鳥也膏中

鵲賦筆不停綴文不加點鵲水鳥也膏中

瑩刀藝苑雌黃云昔人文章多以兄弟為友
 于日月為居諸黎民為周餘子孫為詒厥新
 昏為燕爾類皆不成文理雖杜子美韓退之
 亦有此病豈非徇俗之過耶子美云山鳥山
 花吾友于又云友于皆挺拔退之云豈謂詒
 厥無基趾又云為汝惜居諸後漢史弼傳云
 陛下隆於友于不忍恩絕曹植求通親親表
 云今之否隔友于同憂晉史贊論中此類尤
 多洪駒父云此歇後語也夢弼曰晉唐驥傳
 驥乃虞潭之兄子王導謂驥曰孔愉有公才
 而無公望丁潭有公望而無公才兼之者其
 在卿乎莊子不知端倪注端緒也倪畔也洙
 曰漢元帝紀令從官給事官司馬中者得為
 大父母父母兄弟通藉應劭曰藉者為二尺
 竹牒記其年紀名字物色懸之宮門案省相
 應乃得入也青瑣戶邊青鏤天子制也後漢

志天子信璽六璽皆以武郡紫泥封梁陸倕
新漏刻銘云靈虬承注言漏刻之體以龍承
之也莊子馬蹄可以踐霜雪漢紀重譯師古
曰譯謂傳言也趙曰適越遊梁公自謂也公
本傳少貧客吳越又公贈李白詩亦有梁宋
遊是也洙曰馬援戒兄子書云畫虎不成反
類狗也莊子孔子見老聃出謂顏回曰丘之
道其猶醯雞歟微夫子之發吾覆也吾不知
天地之大全也田曰張景陽七命曰楚之陽
衡歐冶所營乃鍊乃鋒萬辟千灌注云鍛鍊
刻苦成林之義此言張卿恩顧我雖深而自
慙鍛鍊之未至爾夢弼曰楊雄從孝成帝羽
獵因作賦以風呂望鈞於磻溪得玉璜遇文
王載與俱立以為師公意蓋有望於張卿之
也薦已

奉贈鮮于京兆二十韻

鮑曰鮮于仲通也

王國稱多士賢良復幾人異才應間出爽氣

必殊倫始見張京兆宜居漢近臣驕驪開道

路雕鶚離風塵

意氣自得非獨贈人以此

侯伯知何算文

章實致身奮飛超等級容易失沉淪脫略蟠

溪釣操持郢匠斤雲霄今已逼台袞更誰親

鳳穴雛皆好龍門客又新義聲紛感激敗績

自遠巡途遠欲何向天高難重陳學詩猶孺

子鄉賦念嘉賓不得同晁錯吁嗟後邳詵計

踈疑翰墨時過憶松筠流落無所可入故知此言之悲獻納

紆皇眷中間謁紫宸且隨諸彥集方覬薄才

伸破膽遭前政陰謀獨秉鈞微生霑忌刻萬

事益酸辛交合丹青地恩傾雨露辰有儒愁

餓死早晚報平津洙曰漢張敞字子高守京兆尹元帝卽位待詔鄭明

薦敞先帝名臣宜傳輔皇太子趙曰詔何足

算也此言侯伯之人多矣至於無算而鮮于

其致身則實以文章也洙曰莊子郢人堊漫

其鼻端使匠石斲之山海經丹沱之山有名

鳳後漢李膺性簡亢無所交接有被其容接
 者名為登龍門詩鹿鳴宴嘉賓也漢晁錯晉
 鄰誦皆舉賢良高第公嘗舉進士不第故有
 此嘆夢弼曰兩都賦序言語侍從之臣朝夕
 論思日月獻納紫宸殿名時明皇詔天下有
 一藝詣闕就選李林甫恐士或并已建言請
 委尚書先試問遂無一中者公應詔退下是
 為林甫所沮故下有破膽陰謀之語也趙曰
 蓋鐵論公卿者神化之丹青深曰東方朔傳
 臣朔飢欲死公孫弘為丞相封平津侯身食
 一肉脫粟飯故人賓客
 仰衣食俸祿皆以給之

貧交行

翻手作雲覆手雨紛紛輕薄何須數君不見

管鮑貧時交此道今人棄如土

只從俗諺略證古意

洙

曰史記管仲少時與鮑叔牙游鮑叔終善遇之管仲曰生我者父母知我者鮑子也

白絲行

縹絲須長不須白越羅蜀錦金粟尺象牀玉
手亂殷紅萬草千紅動凝碧已悲素質隨時
染裂下鳴機色相射美人細意熨帖平裁縫
滅盡針線跡春天衣着爲君舞蛺蝶飛來黃
鸝語落絮遊絲亦有情隨風照日宜輕舉

佳處

箇中。滴得

香汗清塵汚顏色開新合故置何許

君不見才士汲引難恐懼棄捐忍羈旅

此殆自况

賓主間意不合無限慨嘆。鄭曰殷烏閑切赤黑色射食亦切熨紆物切火展布也

補遺

贈韋左丞

范元實詩眼云山谷謂文章必謹布置每見後學多告以原道命意

曲折後予以此槩考古人法度如子美贈韋左丞詩云紈袴不餓死儒冠多誤身此一篇立意也故使人靜聽而具陳之耳自甫昔少年日至再使風俗淳皆言儒冠事業也自此意竟蕭條至踏蹬無縱鱗言誤身如此也則意舉而文備故已有是詩矣然必言其所以

此非聖物可也

見韋者於是是有厚愧真知之語所以真知者
謂傳誦其詩也然宰相職在薦賢不當徒愛
人而已士固不能無望故曰竊效真公喜難
甘原憲貧果不能薦賢則去之可也故曰馬
能心怏怏祗是走踈踈又將入海而去秦也
然其去也必有遲遲不忍之意故曰尚憐終
南山回首清渭濱然所知不可以不別故曰
常擬報一飯况懷辭大臣夫如是可以相忘
於江湖之外雖韋亦不得而見矣故曰白鷗
波浩蕩萬里誰能馴終焉此詩前賢錄為壓
卷其布置最得正體如官府甲第廳堂房舍
各有定處不可亂也韓文公原道與書之堯
典蓋如此其他皆謂之變體可也又云詩有
一篇命意有句中命意如老杜贈韋詩前後
布置是一篇命意也至其道遲遲不忍去之
意則曰尚憐終南山回首清渭濱其道欲與

韋別則曰常擬報一飯况懷辭大臣此句中

命意也蓋如此然後可謂頊控高雅矣東臯

雜錄云有問荆公老杜詩何故妙絕古今公

曰老杜固嘗言之讀書破萬卷下筆如有神

奉寄韋尹蔡興宗正異云尸鄉餘土室誰話

正文作難說乃字之訛也

一作別音州又音祝

謁玄元廟復齋謾錄云國史補云唐人燕集

公主盛集李端壇場送別相巡江淮錢起壇

揚乃知子美詩書手看前輩吳生遠擅場唐

人素有此語山谷簡王立之曰凡作詩賦要

以宋玉賈誼相如子雲為師略依放其步驟

乃有古風杜詩云盡手看前輩吳生遠擅場

古人於能事不獨求誇時輩須要於前輩

口交非多... 加... 少... 身...

神... 田... 之...

附... 心... 如...

中壇
場耳

... 中... 田... 東... 心... 此... 思... 以... 所... 也... 其... 於...

... 心... 之... 田... 東... 心... 此... 思... 以... 所... 也... 其... 於...

... 心... 之... 田... 東... 心... 此... 思... 以... 所... 也... 其... 於...

... 心... 之... 田... 東... 心... 此... 思... 以... 所... 也... 其... 於...

集千家註杜工部詩集卷之一

上集卷一

三

下